



MEDIA STATEMENT

7 June 2011

PEMERGIAN USTAZ HAJI OSMAN JANTAN

Majlis Ugama Islam Singapura amat bersedih di atas pemergian Allahyarham Ustaz Haji Osman Jantan, seorang 'alim dan guru agama yang dihormati hari ini.

Semasa hayatnya, almarhum telah banyak berbakti dalam membangun kehidupan beragama masyarakat Islam Singapura. Beliau merupakan anggota majlis tertinggi Muis selama tiga penggal dari 1968 hingga 1980. Pada masa yang sama beliau telah berkhidmat sebagai anggota jawatankuasa Fatwa. Antara sumbangan almarhum yang paling ketara adalah dalam program Pengetahuan Agama Islam (IRK) di sekolah-sekolah nasional. Almarhum juga merupakan pengasas dan editor Fajar Islam, makalah pertama yang diterbitkan Muis pada tahun-tahun 1970an.

Selain dari itu, almarhum juga telah menghasilkan banyak buku-buku agama termasuk buku 'Pedoman Haji' yang masih dijadikan bahan rujukan dan panduan oleh masyarakat Islam hingga ke hari ini.

Almarhum juga banyak berjasa dan menyentuh kehidupan masyarakat Islam dalam peranannya sebagai guru agama dan pembimbing haji.

Pemergian beliau adalah kehilangan besar kepada masyarakat Islam Singapura. Semoga ruhnya dicucuri rahmat oleh Allah SWT serta ditempatkan di kalangan orang-orang yang soleh serta bertakwa. Amin.

MAJLIS UGAMA ISLAM SINGAPURA